



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De septem vitiis principalibus, cap. 2

urn:nbn:de:hbz:466:1-13177

stolica, ut eius obseruatio, pro qualibet satisfactione peccatoribus sufficiat. APOLLONIVS: Si religio nostra pro peccatis nostris est satisfactio, & eadē satisfactio exterior est tentatio, nosse vellem in quibus vel à quibus tentemur. CÆSARIVS: In quibus tentamur, quatuor sunt, Deus, caro, mundus, & diabolus. Quod à Deo tentemur, testis est Moyses, dicens: Tentauit Deus Abraham. Item: Tentat vos Dominus Deus vester. Deus vero, secundum quod Apostolus Iacobus ait: intentator malorum est. Tres residui tentatores, hostes sunt, & ideo ut hostes cauendi. Cedendo eis, confundimur; resistendo, meremur; vincendo coronamur. Quantus sit in temptatione labor, quantus timor, quantum dispendium, quantum meritum, sequentia declarabunt exempla.

*Genes. 22
Dœnt. 13
Iac. 1.1*

C A P Y T R II.

SEPTEM sunt vitia principalia de una virulenta radice, superbia scilicet, pullulantia, ex quibus vniuersa penè procedunt tentamenta. Primum vitium superbiæ succedens est inanis gloria, secundum ira, tertium inuidia, quartum acedia, quintum auaritia, sextum gula vel gastrimargia, septimum luxuria. Ex his quædam spiritualia sunt, ut inanis gloria, ira, inuidia: quædam corporalia, ut gula & luxuria: quædam mixta, ut acedia, auaritia. Acedia, quantum pertinet ad dolorem cordis, vitium spirituale est; quantum ad torporem corporis, corporale est. Septem istæ pestes septem sunt riuali, quibus irrigatur terra Ægypti, id est tenebrosum cor peccatoris. Et sicut Nilus, ex cuius abundâlia diuiduntur septem riuali, fluit de paradiſo, & deriuatur per Ægyptum: Ita Lucifer, electus de cœlo propter superbiam, per hæc septem vitia se diffundit per cor humanum peccatis mortalibus tenebrosum. Septem ista vitia designant septem illas gentes immundas, quas Dominus a facie Israël de terra promissionis deleuit. Designatur etiam per dæmonia septem, quæ Saluator de corde Marie Magdalene ejecit. Ex quatuor rotis huius septenarij Ioël Propheta quadrigam construit Pharaoni, dicens: Residuum

*Dœnt. 7.
Luc. 8.
Ioel. 1.*

Gregor.
lib. 33.
Moral.
cap. 39.

erucæ comedit locusta, & residuum locustæ comedit bruchus, & residuum bruchi comedit rubigo. Per erucam beatus Gregorius notat libidinem, per locustam inanem gloriam, per bruchum ingluuiem ventris, per rubiginem iram. Multi domant libidinem, sed inde eriguntur in superbiam: de superbia ruunt in ingluuiem, de nimia comeditione & ebrietate in iram vertuntur. Tres equi hunc currum trahentes, tria vitia sunt residua, inuidia scilicet, tristitia, & avaritia. Ecce tria & quatuor scelerata, quibus diabolus vehitur secundum Amos prophetam in Damascum, in Gazam, in Tyrum, in Edom, in Ammon, in Moab, etiam in Iudam, & in Israël. APOLLONIUS: Cūm vitijs istis tentamur, sicut in nobis, vel extra nos? CAESARIUS: Post ingressum virtutum, non sunt in nobis per habitum & usum, sed secundum somitem. Sicut in ingressu filiorum Israël, septem illæ gentes non sunt omnino deletæ, sed tributis subactæ: sic ingressis virtutibus in terram cordis nostri, vitia non prorsus extinguntur, sed restringuntur. Et sicut postea filij Israel sepius a reliquijs earundem gentium impugnabantur, ita per somitem vitiorum, frequenter virtutes nostræ tentantur & exercitantur. APOLLONIUS: Rogo ut de viribus horum septem vitiorum me expellas, & quam acriter nos tentent, subiunctis exemplis ostendas.

CAPUT III.

CAESARIUS.

Desuperbia.

SVPERBIA, quæ primum locum tenet inter vitia, est singularis excellentiæ super alios quidam appetitus: unde dicta est superbìa, quasi suprabriam, id est, mensuram se extollens. Sub hoc vicio in praedito septenario a quibusdam inanis gloria comprehèditur. Duo enim genera sunt superbiae, unum est intus in cordis elatione, alterum foris in operis ostensione: primum propriè dicitur superbìa, alterum iactantia, vel inanis gloria. Superbiae propagines & vires sunt inobedientia, inconstantia, hypocrisia, contumelias, pertinacia, discordia, nouitatu presumptio[n]es. Quatum per